

Resolución Reitoral pola que se convocan as prazas vacantes na XI Edición do programa INCUVI-Emprende da Universidade de Vigo

O programa INCUVI EMPRENDE convocado por RR de 28 de setembro do 2022 consiste na concesión aos proxectos seleccionados dun servizo de asesoría e mentoría, no que boa parte das actividades se realizan conxuntamente. Deste xeito, a previsión de dotación económica da convocatoria foi realizada para un número óptimo de participantes cercano ao número máximo de proxectos indicados na convocatoria (12).

Finalizado o prazo de presentación de solicitudes hai 5 proxectos presentados.

Visto que, por razóns económicas, o número de proxectos presentados é insuficiente para que a financiación das actividades previstas resulte eficiente,

Considerando que a selección dun maior número de proxectos non ten repercusión económica, xa que boa parte das actividades son colectivas e o seu custo non resulta afectado polo incremento no número de participantes,

Esta reitoría resolve

1. Realizar unha nova convocatoria que complementa á publicada por RR de 28 de setembro do 2022 na que serán de aplicación as mesmas bases reguladoras coas seguintes excepcións:
 - a. Número de prazas: as que resulten vacantes da devandita convocatoria ata o número máximo de participantes establecido en 12 proxectos.
 - b. Prazo de presentación de solicitudes: 17 novembro 2022

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados a partir do día seguinte á súa publicación, de conformidade co disposto na *Lei 29/1998 do 13 de xullo, reguladora da xurisdición contencioso-administrativa*.

Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo namentres non recaia resolución expresa ou presunta do recurso de reposición, de acordo co disposto na *Lei 39/2015, de 1 de outubro, do procedemento administrativo común das administracións públicas*.

Vigo, na data da sinatura electrónica

O reitor

Por delegación RR 22/06/2022 (DOG 06/07/2022)

A vicerreitora de Estudantado e Empregabilidade,

Natalia Caparrini Marín



CSV : GEN-d8b6-d33a-8466-a3b3-652d-03ff-d74b-a93f

DIRECCIÓN DE VALIDACIÓN : <https://portafirmas.redsara.es/pt/valida>

FIRMANTE(1) : NATALIA CAPARRINI MARIN | FECHA : 04/11/2022 12:12 | NOTAS : F